

STATUT I SHOQERISE

APPMOBILECITY

KAPITULLI I

EMERTIMI, OBJEKTI, SELIA, KOHEZGJATJA

Neni 1- Forma

Sot me date 05/03/2025 krijohet statuti si me poshte vijon:

Shoqeria tregtare **APPMOBILECITY** (me poshte shenuar "shoqeria"), krijohet ne formen e nje shoqerie tregtare me pergjegjesi te kufizuar. Veprimtaria e saj rregullohet nga ky Statut, Akti i Themelimit dhe legjislacioni shqiptar ne fuqi.

Akti i themelimit dhe Statuti jane ne perputhje me legjislacionin shqiptar dhe çdo çeshtje e paparashikuar shprehimisht ne to, rregullohet sipas legjislacionit shqiptar ne fuqi.

Neni 2-Emertimi

Shoqeria emertohet **APPMOBILECITY sh.p.k.** Emertimi i shoqerise mund te shkruhet me shkronja te medha ose te vogla.

Neni 3-Selia

Shoqëria e ka selinë ne qytetin **Lushnje, lagja Xhevdet Nepravishta, bulevardi Kongresi, Ndertesa 36 kati 2, H 1.**

Përveç veprimtarisë në nivel lokal, shoqëria ka të drejtën e krijimit dhe mbylljes së filialeve, agjencive dhe zyrave të përfaqësimit brenda apo jashtë territorit të Republikës së Shqipërisë.

Selia mund të transferohet në çdo vend tjetër brenda territorit të Republikës së Shqipërisë, me një vendim të Ortakeve te kesaj shoqerie.

Shoqeria sipas parashikimeve te ketij statuti dhe legjislacionit ne fuqi, mund te hape si ne Shqiperi dhe jashte saj, qendra, perfaqesi, filiale, dege dhe shoqeri te tjera.

Neni 4- Kohezgjatja

Kohezgjatja e aktivitetit te shoqerise do te jete pa afat, duke filluar prej dates se rregjistrimit te saj ne Rregjistrin e Shoqerive Tregtare prane Qendes Kombetare te Rregjistrimit. Ky afat mund te ndryshohet nje ose me shume here, me vendim te asamblese se ortakeve.



Neni 5- Objekti i veprimtarise

Objekti i veprimtarisë së shoqërisë "APPMOBILECITY" sh.p.k do të shtrihet në këto fusha veprimi:

Zhvillimi, dizajnimi dhe mirëmbajtja e aplikacioneve softuerike për pajisjet mobile dhe desktop. Zhvillimi, krijimi dhe menaxhimi i faqeve të internetit, portaleve dhe platformave dixhitale. Shërbime asistence dhe konsulence në fushën e marketingut dixhital dhe menaxhimit të mediave sociale. SEO, SEM dhe fushata reklamuese në internet.

Ofrimi i shërbimeve të konsulencës teknologjike dhe strategjike në sektorin dixhital. Shitja dhe shpërndarja e softuerëve dhe zgjidhjeve teknologjike. Trajnim dhe asistencë teknike në sektorin e IT dhe dixhital.

Neni 6- Përgjegjesia

Shoqëria nuk përgjigjet për detyrimet e marra për qëllime që nuk përputhen me ato të percaktuara nga Statuti dhe Akti i Themelimit. Shoqëria nuk përgjigjet për detyrimet e marra nga ortakët në emrin e tyre personal ndaj personave fizike, juridike, privat ose publik, brenda ose jashtë shtetit.

K A P I T U L L I I I **KAPITALI I RREGJISTRUAR, KONTRIBUTET, NDARJA E KUOTAVE TE** **KAPITALIT**

Neni 7- Kapitali I Rregjistruar

Kapitali është fiksuar në lek **100 000 (një qind mijë)** leke. I ndarë në 1 (një) kuotë në zotërim të ortakëve themelues Umberto Fiore.


- 1. Umberto Fiore 1(një) kuotë me vlerë 100 000 (njedind mijë mijë) leke.**

Neni 8- Kuotat e Kapitalit të Rregjistruar

Kuotat e pjesëmarrjes janë në zotërim të:

- 1. Umberto Fiore, dhe përqindja e pjesëmarrjes 100 %.**

Neni 9- Llojet e Kuotave, të Drejtave dhe Kufizimeve



vendimin e Asamblesë së Përgjithshme, të marrë me shumicën e kualifikuar (tre të katërtat) të votave së ortakëve, në përputhje me parashikimet e nenit 87 të Ligjit.

Neni 10- Certifikatat e kuotave

Secili ortak ka të drejtë të përfitojë një certifikatë për kuotën e zotëruar prej tij. Shoqëria nuk është e detyruar të lëshojë më shumë se një certifikatë për kuotat e zotëruara bashkërisht nga disa persona dhe dorëzimi i certifikatës ndaj përfaqësuesit të otëruesve të përbashkët të kuotave do të konsiderohet si dorëzim i kryer ndaj të gjithë zotëruesve të kuotave, në përputhje me pikën 2 të nenit 72 të Ligjit. Emrat e zotëruesve të përbashkët të kuotave do të renditen në certifikatën e kuotës. Certifikata nuk do të gëzojë cilësinë e letrës me vlerë.

Neni 11- Kalimi me Kontratë i Kuotave

Kontrata e kalimit të kuotës bëhet me shkrim dhe sipas formaliteteve të përcaktuara nga Administratorët. Kjo kontratë do të dërgohet në selinë e shoqërisë.

Administratorët mund të refuzojnë regjistrimin e kalimit të kuotës në QKR në rast se kjo kuotë nuk është shlyer plotësisht ose në rast se Administratorët nuk janë dakord me personin të cilit i kalon kuota.

Nëse Administratorët refuzojnë të regjistrojnë kalimin e kuotës, ata do të njoftojnë për mospranimin personin të cilit i kalohen kuota, brenda një muaji nga data në të cilën është paraqitur në shoqëri kërkesa për regjistrimin e kalimit të kuotës.

Neni 12- Kalimi i kuotave me Trashëgimi ose si pasojë e Falimentimit

Nëse një ortak vdes, trashëgimtari ose trashëgimtarët në rastin e bashkëzotërimit të kuotave, dhe trashëgimtarët e tij në rast se ky person ishte zotërues ose trashëgimtar i vetëm i bashkëzotëruesve të kuotave, do të jenë personat e vetëm të njohur nga shoqëria si gëzues së të drejtave mbi kuotën e tij; pavarësisht parashikimeve të këtij Statuti, pasuria e ortakut të vdekur nuk çlirohet nga përgjegjësia në lidhje me kuotën e zotëruar nga ai vetëm apo së bashku me persona të tjerë.

Personi që fiton të drejtën mbi një kuotë si pasojë e vdekjes ose falimentimit të një ortaku, pas paraqitjes së provave të kërkuara nga Administratorët, mund të zgjedhë të bëhet zotërues i kuotës ose të kërkojë regjistrimin e kuotës në emër të një personi tjetër të caktuar prej tij si përfitues të kuotës. Nëse personi i mësipërm zgjedh të bëhet zotërues i kuotës, ai njofton shoqërinë në lidhje me këtë zgjedhje. Nëse ky person zgjedh që një person tjetër të regjistrohet si zotërues i kuotës, ai kalon kuotën në dobi të personit tjetër.

Personi që fiton të drejtat mbi një kuotë si pasojë e vdekjes ose falimentimit të një ortaku do të ketë të drejtat që gëzonte zotëruesi i kuotës, duke përjashtuar të drejtën e pjesëmarrjes ose të votës në çdo mbledhje të Asamblesë së Përgjithshme, deri në momentin e regjistrimit në QKR.

Neni 13- Zmadhimi dhe Zvogëlimi i Kapitalit Themeltar



Asambleja e Përgjithshme, me shumicë të kualifikuar, mund të zmadhojë kapitalin themeltar të shoqërisë duke rritur kuotat e ortakëve ekzistues në shumën e përcaktuar në vendimin përkatës. Zmadhimi i kapitalit me qëllim pranimin e ortakëve të rinj në shoqëri, miratohet nga Asambleja e Përgjithshme me shumicën e kualifikuar të votive të ortakëve.

Shoqëria mund të vendosë zvogëlimin e kapitalit themeltar të shoqërisë me vendimin e Asamblesë së Përgjithshme, të marrë me shumicën e kualifikuar të votave.

Neni 14- Blerja e Kuotave të Veta

Shoqëria mund të blejë kuotat e veta dhe të kryejë pagesa për blerjen e tyre, jo nga fitimet e shoqërisë që do t'u shpërndahen ortakëve apo emetimi i kuotave të reja vetëm nëse shoqëria përmbush kushtet për shpërndarjen e fitimeve sipas nenit 77 të Ligjit dhe Administratorët lëshojnë një certifikatë të aftësisë paguese të parashikuar nga ky nen. Në rast se blerja e kuotave të veta nuk është në përputhje me kushtet e nenit 77 të Ligjit, paditë mbi përgjegjësinë e shoqërisë mund të ngrihen në pajtim me parashikimet e nenit 78 dhe 79 të Ligjit.

KAPITULLI III ASAMBLEJA, ADMINISTRIMI, KONTROLLI

Neni 15- Thirrja e Asamblesë së Përgjithshme

Administratorët thërrasin Asamblenë e Përgjithshme dhe, me kërkesën e ortakëve sipas nenit 83 dhe 84 të Ligjit, do të procedojnë me thirrjen e Asamblesë së Përgjithshme.

Mbledhja e Asamblesë së Përgjithshme thirret nëpërmjet një njoftimi të dërguar me postë ose postë elektronike (email) drejtuar çdo ortaku, përfshirë edhe përfaqësuesin e kuotave në zotërim të përbashkët. Njoftimi duhet të kryhet të paktën shtatë Ditë të Plota përpara datës së caktuar për mbledhjen. Secilit ortak, së bashku me njoftimin për mbledhjen, i dërgohet edhe numri PIN për të mundësuar pjesëmarrjen dhe votimin elektronik në mbledhje.

Mbledhjet e Asamblesë së Përgjithshme janë të pavlefshme në rast moskryerje të paqëllimshme së njoftimit apo mos-marrjes së njoftimit të mbledhjes nga personat të cilët kanë të drejtë të marrin këtë njoftim, me përjashtim të rastit kur shoqëria provon se personi i ka dhënë shoqërisë një adresë të pasaktë.

Neni 16- Mbledhjet e Asamblesë së Përgjithshme

Asambleja e Përgjithshme merr vendime të vlefshme vetëm me arritjen e kuorumit të parashikuar nga neni 86 i Ligjit. Ortakët ose përfaqësuesit e autorizuar mund të marrin pjesë nëpërmjet mjeteve elektronike, përfshirë telekonferencën (conference call), audio ose audio-video, në përputhje me nenin 88 të Ligjit. Ortakët që marrin pjesë me mjete komunikimi elektronik kanë të drejtë të votojnë nëpërmjet numrit PIN që iu është dërguar së bashku me njoftimin për mbledhjen e Asamblesë së Përgjithshme.



Administratorët caktojnë Kryetarin e mbledhjes si edhe një person për të mbajtur procesverbalin e saj.

Nëse asnjë prej Administratorëve nuk dëshiron të caktohet si Kryetar i mbledhjes ose nëse asnjë prej Administratorëve nuk është i pranishëm për pesëmbëdhjetë minuta duke filluar nga ora e caktuar për fillimin e mbledhjes, ortakët e pranishëm dhe me të drejtë vote zgjedhin njërin prej tyre si Kryetar të mbledhjes.

Administratori, pavarësisht se nuk është ortak, ka të drejtën e pjesëmarrjes si edhe të marrë fjalën në çdo mbledhje të Asamblesë së Përgjithshme.

Kryetari, me pëlqimin e Asamblesë së Përgjithshme të mbledhur në përputhje me kuorumin e caktuar me ligj, mund (dhe është i detyruar nëse kërkohet nga Asambleja e Përgjithshme), të shtyjë mbledhjen e Asamblesë së Përgjithshme, por në mbledhjen e dytë mund të diskutohen vetëm ato çështje të cilat do të ishin diskutuar rregullisht nëse nuk do të ishte shtyrë mbledhja e mëparshme. Kur mbledhja e Asamblesë së Përgjithshme shtyhet të paktën katërmëdhjetë ditë, njoftimi do të kryhet të paktën shtatë Ditë të Plota përpara kësaj date dhe në të do të përcaktohet ora dhe vendi i mbledhjes së shtyrë dhe përshkrimi i përgjithshëm i rendit të ditës. Në rast të kundërt, dhënia e njoftimit nuk është e nevojshme.

Asambleja vendos me votim të hapur me përjashtim të rastit kur përpara ose gjatë deklarimit të rezultatit, nuk kërkohet në mënyrën e duhur një votim i fshehtë. Votimi i fshehtë mund të kërkohet nga: 1. Kryetari; ose 2. një ortak ose ortakët që përfaqësojnë të paktën pesë për qind të kapitalit themeltar të shoqërisë. Kërkesa e bërë nga një përfaqësues i autorizuar i ortakut ka të njëjtën vlerë me kërkesën e paraqitur nga vetë ortakut.

Me përjashtim të kundërshtimit të një ortakut, deklarimi i Kryetarit se vendimi është marrë në mënyrë unanime, ose me një shumicë të caktuar, nuk është miratuar ose nuk është miratuar me një shumicë të caktuar dhe regjistrimi përkatës në procesverbalin e mbledhjes përbën provë përfundimtare të këtij fakti, pa pasur nevojë për numërimin e votave të regjistruara pro ose kundër vendimit.

Në rast se ka kundërshtime për këtë deklaratë, do të zhvillohet një votim i fshehtë nëlidhje me përcaktimin e numrit të votave pro dhe kundër vendimit.

Neni 17: Votat e Ortakëve

Në përputhje me të drejtat ose kufizimet që rrjedhin nga kuotat, çdo kuotë i jep ortakut (në rastin kur është individ) të pranishëm apo përfaqësuesit të tij të autorizuar ose ortakut (në rastin kur është person juridik) i cili është i pranishëm përmes përfaqësuesit ligjor apo përfaqësuesit të autorizuar në mënyrë të rregullt, të drejtën e një vote.

Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.

Çdo kundërshtim në kohë për cilësinë e një votuesi do të komunikohet Kryetarit, vendimi i të cilit do të jetë përfundimtar. Të gjitha votat e pakundërshtuara në një mbledhje ose mbledhje të shtyrë do të jenë të vlefshme.



Neni 18- Votimi me Prokurë

Përfaqësuesi do të emërohet nga ortaku sipas formës që miratohet nga Administratori i shoqërise ose prokure përfaqesimi.

Caktimi me shkrim i përfaqësuesit ose një kopje e noterizuar apo e miratuar nga Administratorët depozitohet në selinë e shoqërisë, duhet të depozitohet jo më vonë se 48 orë përpara orës së mbledhjes ose mbledhjes së shtyrë, në të cilën duhet të votojë përfaqësuesi.

Neni 19- Hetimet e posaçme

Personi ose personat që plotësojnë kushtet për të kërkuar emërimin apo zëvendësimin e një eksperti të fushës sipas nenit 91 të Ligjit paraqesin një kërkesë të tillë nëpërmjet depozitimit të një deklarate noteriale në selinë e shoqërisë e cila vërteton se personi ose personat plotësojnë kushtet për kryerjen e këtij veprimi.

Neni 20- Administrimi

Shoqëria administrohet nga një ose disa administrator, qofshin keta dhe jo ortak, të cilet emërohen ose shkarkohen nga Asambleja e zakonshme. Administratori/et qëndrojnë në postin e tyre për pesë vjet financiare, me mundësi për të rizgjedhur.

Administratori/et kanë të gjitha kompetencat për të vepruar në marrëdhënie me të tretet, në interes të shoqërise dhe në emër të saj, në të gjitha rrethanat që kanë lidhje me objektin e Shoqërise, me përjashtim të kompetencave që ligji apo statuti ja jep Asamblesë së Ortakëve.

Shoqëria do të funksionojë me 1 (një) administrator. Administratori e saj mund të marrin vendime sipas nevojave në përputhje me statutin dhe aktin e themelimit të shoqërise. Administratori i shoqërise është **Umberto Fiore**. Ai do të ndjekë të gjitha procedurat e nevojshme për regjistrimin e shoqërise në Qendren Kombëtare të Regjistrimit (QKR).

Të gjitha shpenzimet që do të kryen deri në regjistrimin e shoqërise si person juridik do të përfshihen në bilancin e shoqërise.

Neni 21- Ekspertet Kontabel të Autorizuar.

Shoqëria do të kontrollohet nga një ose disa eksperte kontabel të autorizuar të zgjedhur nga lista e Institutit të Eksperteve Kontabel të Autorizuar. Në caktimin e eksperteve kontabel të autorizuar mbahen parasysh përjashtimet dhe papajtushmeritë e percaktuara nga ligji "Për tregtarët dhe shoqëritë tregtare".

Eksperti/et kontabel të autorizuar emërohen nga asambleja e përgjithshme, në afatet e parashikuara nga ligji, me të drejtë rizgjedhje në kushtet e marrjes së vendimeve që kërkojnë një shumicë të zakonshme.



Detyrimet dhe te drejtat e Eksperteve Kontabel te Autorizuar te shoqerise jane ato te parashikuara nga ligji "Per tregtaret dhe shoqerite tregtare". Raportet qe ata pergatisin depozitohen ne seline e shoqerise, ne afatet e parashikuara nga ligji.

KAPITULLI IV

VITI FINANCIAR, BILANCI VJETOR, SHPERNDARJA E FITIMEVE

Neni 22- Viti financiar dhe bilanci vjetor.

Viti financiar fillon me 1 Janar dhe mbaron me 31 dhjetor.

Viti i pare financiar fillon ne daten e regjistrimit te Shoqerise ne Rregjistrin Tregtar, prane Qendes Kombetare te Rregjistrimit, dhe perfundon ne 31 dhjetor te te njejtit vit.

Pasqyrat financiare,raporti i administrimit dhe raporti i ekspertit/ve kontabel te autorizuar miratohen nga asambleja e pergjithshme ne kushtet e marrjes se vendimeve qe kerkojne nje shumice te zakonshme.

Miratimi i dokumentave qe lidhen me vitin financiar duhet te behet brenda 6 (gjashte) muajve qe nga fundi i vitit financiar.

Neni 23- Dividendët

Pas plotësimit të parashikimeve të nenit 77 të Ligjit, shoqëria me shumicë të kualifikuar të votave së Asamblesë së Përgjithshme mund të deklarojë shpërndarjen e dividendëve nëpërputhje me të drejtat përkatëse të ortakëve.

Me përjashtim të rasteve kur parashikohet ndryshe nga të drejtat që lidhen me kuotat, të gjithë dividendët deklarohen dhe paguhet në përputhje me shumën e paguara për kuotat për të cilët paguhet dividendi. Të gjithë dividendët pjesëtohen dhe paguhet në përpjesëtim të drejtë me shumën e paguara për kuotat, pjesës ose pjesëve të periudhës për të cilën paguhet dividendi; në rast se kuota emetohet me kushtin e përfitimit të dividendit nga një datë e caktuar, dividendi do të paguhet në përputhje me këtë kusht.

Asnjë dividend ose pagesë në para që lidhet me një kuotë nuk do të mbartë interesa ndajshoqërisë nëse nuk parashikohet nga të drejtat që lidhen me kuotën.

Çdo dividend që nuk është kërkuar të paguhet brenda dymbëdhjetë vjetëve nga data ematurimit, në rast se vendoset me shumicë të kualifikuar votash nga Asambleja e Përgjithshme, do të përfitohet nga shoqëria e cila nuk do të jetë më e detyruar që ta paguajë atë.

Neni 24- Kalimi i Fitimeve në Kapitalin Themeltar

Administratorët, pas vendimit të marrë nga Asambleja e Përgjithshme me shumicë të kualifikuar votash dhe duke pasur parasysh parimet e përcaktuara në nenin 14 të Ligjit, mund të vendosin të kalojnë në kapitalin themeltar të shoqërisë fitimet e pashpërndara të cilat nuk do të përdoren për të paguar dividendë preferencialë apo shuma të tjera të parashikuara për rezervat e kapitalit të shoqërisë.

KAPITULLI V



SHPERNDARJA DHE LIKUJDIMI I SHOQERISE

Neni 25- Prishja, Likujdimi

Perjashtuar rastin e nje prishje me vendim gjyqi e parashikuar nga ligji, shoqeria mund te prishet ne çdo kohe, me vendimin e marrë me shumicën e kualifikuar së votave të Asamblesë së Përgjithshme.

Pervec rastit te bashkimit ose te ndarjes, prishja e shoqerise per cfardo shkak qofte sjell likujdimin e saj. Likujdimi kryet nga nje ose disa likujdatore te emeruar nga Asambleja, te cilet kryejne kete detyre ne perputhje statutin e shoqerise, ligjin "Per tregtaret dhe shoqerite tregtare" dhe kerkesat e tjera ligjore.

Likujdatori perfaqeson shoqerine. Ai ka kompetenca te plota per te shitur aktivet e shoqerise, per te shlyer kreditorët dhe per te shperndare mбетjen e disponushme ne perpjestim me pjeset e ortakeve ne kapitalin e rregjistruar.

Me perfundimin e procedures se likujdimit te Shoqerise, Asambleja do te vendose, me vendimin e marrë me shumicën e kualifikuar së votave, mbi bilancin financiar perfundimtar mbi vlefshmerine e punes se kryer nga likujduesit dhe mbi perfundimin e procesit te likujdimit.

Neni 26- Transformimi i Shoqerise.

Shoqeria mund te ndyshoje formen e saj ligjore nepermjet shnderrimit, ne perputhje me kerkesat e nenit 228 te ligjit "Per tregtaret dhe shoqerite tregtare", me vendimin të Asamblesë së Përgjithshme te marrë me shumicën e kualifikuar së votave.

Neni 27-Kundershtimet

Te gjitha kundershhtimet ose mosmarrveshjet qe mund te lindin gjate funksionimit te shoqerise ose gjate likujdimit te saj, midis ortakeve ose nje apo me shume prej tyre dhe shoqerise, do te diskutohen ne menyre te drjetperdrejte midis te interesuareve per ti zgjidhur miqesisht. Ne rast te kundert i nenshtrohen juridiksionit te gjykatave kompetente ne kushtet e parashikuara nga legjislacioni Shqiptar ne fuqi.

Neni 28- Shpenzimet.

Te gjitha shpenzimet e kryera perpara firmosjes se statudit dhe ato midis dates se firmosjes se statudit e rregjistrimit te shoqerise ne rregjistrin tregetar, jane shpenzime qe do perballohen nga shoqeria.

Neni 29- Te tjera

Ky akt themelimi u redaktua ne 4 kopje me permbajtje dhe vlere te njejta juridike ne gjuhen shqipe dhe u miratua nen per nen nga aksioneri themelues dhe u nenshkrua ne cdo flete me emer mbiemer dhe nenshkrim me vullnet te lire

ORTAKU THEMELUES

Umberto Fiore

